

**Статистика фаолиятини ташкил этиш ва йиғма ахборот-таҳлилий  
ишлар бўлими тўғрисида  
НИЗОМ**

**I. Умумий қоидалар**

1. Статистик фаолиятини ташкил этиш ва йиғма ахборот-таҳлилий ишлар бўлими (кейинги ўринларда Бўлим деб юритилади) Сурхондарё вилояти статистика бошқармасининг таркибий бўлинмаси ҳисобланади.

2. Бўлим фаолияти давлат ҳокимияти ва бошқарув органлари, хўжалик юритувчи субъектлар, фуқаролар ва ташкилотларнинг расмий статистика ахборотларига бўлган эҳтиёжини қондирувчи статистик ахборотларни чоп этиш ва тарқатиш тизимининг самарали ишлашини таъминлашга қаратилган.

3. Бўлим ўз фаолиятида Ўзбекистон Республикаси Конституцияси ва қонунларига, Ўзбекистон Республикаси Олий Мажлиси палаталари қарорларига, Ўзбекистон Республикаси Президенти фармонлари, қарорлари ва фармойишларига, Ўзбекистон Республикаси Вазирлар Маҳкамаси қарорлари ва фармойишларига, бошқа қонун хужжатларига, “Ўзбекистон Республикаси Давлат статистика қўмитаси тўғрисида”ги Низомга ҳамда мазкур Низомга амал қиласди.

4. Бўлим ўз фаолиятини бошлиқнинг биринчи ўринбосари раҳбарлигига ва Статистика фаолиятини ташкил этиш ва йиғма ахборот-таҳлилий ишлар бўлими ваколатига кирувчи масалалар бўйича амалга оширади.

5. Бўлим ўз фаолиятини вилоят статистика бошқармасининг тармоқ бўлимлари ва туманлар, шаҳар статистика бўлимлари билан ўзаро ҳамкорликда амалга оширади.

**II. Бўлимнинг асосий вазифалари ва функциялари**

6. Қуйидагилар Бўлимнинг асосий вазифалари ҳисобланади:

**а) Вилоят статистика бошқармаси бўлимлари ҳамда туманлар, шаҳар статистика бўлимлари билан статистика соҳасида ягона сиёсатни амалга ошириш бўйича ишларни ташкил этиш ва мувофиқлаштириш соҳасида:**

Давлат статистика ишлари дастурига кўра статистик маълумотларни йиғиш, таҳлил қилиш, қайта ишлаш ва умумлаштириш бўйича ишларни ташкил қилиш ва мувофиқлаштириш;

худудлар бўйича бирламчи статистика маълумотларини йиғиш ва қайта ишлаш тизимини такомиллаштиришни таъминлаш юзасидан вилоят статистика бошқармаси бўлимлари ҳамда туманлар, шаҳар статистика бўлимлари фаолиятини мувофиқлаштириш;

тадбиркорлик субъектлари ўртасида профилактика ишларини ташкил этиш бўйича бошқарма ҳамда туманлар ва шаҳар статистика бўлимлари фаолиятини назорат қилиш ва мувофиқлаштириш;

статистик ишлаб чиқаришнинг барча босқичларида сифатни бошқариш тизимини тузиш ва ривожлантириш;

вилоят статистика бошқармаси бўлимлари ҳамда худудий статистика органлари билан статистика соҳасида ягона сиёсатни амалга ошириш бўйича ишларни ташкил этиш ва мувофиқлаштириш;

статистика кўрсаткичларининг ишончлилиги, ҳаққонийлиги, тезкорлиги ва тизимлилигини таъминлаш бўйича ишлар мониторингини юритиш.

**б) статистика кўрсаткичларининг ишончлилиги, ҳаққонийлиги, тезкорлиги ва тизимлилигини таъминлаш бўйича ишлар мониторингини юритиш соҳасида:**

статистик кўрсаткичларининг ишончлилиги, ҳаққонийлиги, яхлитлиги ва тизимлилиги юзасидан мониторинг юритиш;

худудий статистика органлари томонидан амалдаги қонунчилик асосида барча юридик шахслар ва якка тартибдаги тадбиркорлар томонидан давлат статистикаси соҳасидаги қонунчилик талабларини бажарилишини назорат қилишни амалга оширилиши юзасидан мониторинг юритиш;

вилоят статистика бошқармаси тармоқ бўлимлари томонидан Давлат статистика ишлари дастурида белгиланган ишларнинг бажарилишини таъминланиши юзасидан назоратни ташкил этиш;

туманлар ва шаҳар статистика бўлимлари томонидан амалдаги қонунчилик хужжатларига ҳамда Давлат статистика қўмитаси, вилоят статистика бошқармасининг қарор ва топшириқларига риоя этилишини назорат қилиш;

давлат статистика ҳисоботларини тақдим этиш тартибига риоя этилиши юзасидан ишларнинг ташкил этилиши, давлат статистика ҳисоботларини тақдим этиш тартибини бузган хўжалик юритувчи субъектларнинг мансабдор шахсларига нисбатан қонунчилик хужжатлари асосида қўлланиладиган чоралар бўйича ишларнинг юритилиши юзасидан фаолиятни ташкил этиш, назорат қилиш ва мувофиқлаштириш;

статистика ишларини ташкил этиш масалалари бўйича худудий статистика органларига замонавий даражадаги тизимли ёрдам кўрсатиш;

ижтимоий-иқтисодий ҳодисалар, жараёнлар ва уларнинг натижалари тўғрисидаги туманлар, шаҳар статистика бўлимларидан олинган бирламчи статистика ахборотларини ва маълумотлар базаси сифатини тизимли назорат қилиш бўйича ишларни ташкил қилиш.

7. Бўлим ўзига юкланган вазифаларни бажариш учун куйидаги функцияларни амалга оширади:

бўлимга юклатилган вазифа ва функцияларини самарали амалга ошириш бўйича фаолиятини ташкил этади ва мувофиқлаштиради;

статистика кўрсаткичларининг ишончлилиги, ҳаққонийлиги, тезкорлиги ва тизимлилигини таъминлаш бўйича ишларни ташкил қиласди ва мувофиқлаштиради;

Давлат статистика ишларини ишлаб чиқариш дастурининг бажарилишини назорат қиласди ва унинг натижалари бўйича бошқарма раҳбариятига ҳар ой маълумот тақдим этади;

бошқарма бўлимлари ва туманлар, шаҳар статистика бўлимларида меъёрий-хукукий хужжатларга риоя этилишини таъминлаш юзасидан ўрганишлар ўтказади;

хисобот маълумотларининг ҳаққонийлиги, тўлиқлиги ва сифатлилигини таъминлаш бўйича худудий статистика органлари фаолиятини назорат қиласди;

туманлар ва шаҳар статистика бўлимлари томонидан давлат статистика хисоботларини тақдим этиш тартибини бузган мансабдор шахсларга нисбатан амалдаги қонунчилик ҳужжатларига асосан қўлланилаётган чоралар юзасидан назорат олиб боради, бу борадаги фаолиятни мувофиқлаштиради, ҳар ой натижалари бўйича қўлланилган чоралар бўйича маълумотларни умумлаштиради ва белгиланган тартибда тақдим этиб боради;

вилоят бўйича, худудлар ва иқтисодиёт тармоқлари кесимидағи статистик ахборотлар ва тўпламлар макетини, йиғма статистик ва иқтисодий-таҳлилий ахборотларни тегишили тармоқ бўлимлари билан биргаликда тайёрлайди;

бошқарма тармоқ бўлимлари, туманлар ва шаҳар статистика бўлимлари билан биргаликда статистик ахборотлар ва тўпламларни тарқатиш ишларини амалга оширади;

Давлат статистика ишлари дастурига мувофиқ, бошқарма раҳбариятининг топшириғига ва фойдаланувчиларнинг сўровларига асосан, давлат ҳокимияти ва бошқарув органлари, хўжалик юритувчи субъектлар, фуқаролар ва ташкилотларни белгиланган тартибда статистик ахборотлар ва тўпламлар билан таъминлайди;

вилоят бўйича, худудлар ва иқтисодиёт тармоқлари кесимидағи йиғма статистик ва иқтисодий-таҳлилий кўрсаткичларни шакллантириш бўйича жадваллар макетини тайёрлайди;

бўлимлар ва худудий статистика органлари томонидан йиғма-ахборот маълумотларини белгиланган макетлар асосида шакллантириш ишларини назорат қиласди ва мувофиқлаштиради;

Бўлимга тақдим этилган йиғма статистик ва иқтисодий-таҳлилий кўрсаткичлар асосида ойлик, чораклик ва йиллик тезкор маълумотларни умумлаштиради, шакллантиради ва чиқаради;

Давлат статистика ишларини ишлаб чиқариш дастурида белгиланган ва бошқарма раҳбариятининг топшириғига асосан статистик ахборотлар ва тўпламларни шакллантиради;

Давлат статистика ишларини ишлаб чиқариш дастурига мувофиқ, бошқарма раҳбариятининг топшириғига ва фойдаланувчиларнинг сўровларига асосан, давлат ҳокимияти ва бошқарув органлари, хўжалик юритувчи субъектлар, фуқаролар ва ташкилотларни белгиланган тартибда статистик ахборотлар ва тўпламлар билан таъминлайди;

туманлар, шаҳар статистика бўлимларига услубий ва амалий ёрдам кўрсатади;

вилоят статистика бошқармаси раҳбарияти кўриб чиқиши учун таҳлилий, маълумот учун ва бошқа материалларни (вилоят статистика бошқармаси бошлиғи ва унинг ўринбосарлари топшириқларининг лойихалари) тайёрлайди.

Бўлимга юклатилган бошқа функцияларни белгиланган тартибда амалга оширади.

### **III. Бўлимнинг ҳукуқлари ва жавобгарлиги**

8. Бўлим ўзига юкланган вазифалар ва функцияларни бажариш учун қуидаги ҳукуқларга эга:

статистика соҳасида фаолиятни ташкил этиш масалалари бўйича вилоят статистика бошқармаси раҳбариятига таклифлар киритиш;

вилоят статистика бошқармасининг бўлимларидан, шунингдек худудий статистика органларидан Давлат статистика ишлари дастурига асосан статистика ишларининг ҳаққонийлигини ва тақдим этиш муддатларига риоя этилишини талаб қилиш;

Бошқарма ваколатига кирадиган масалалар бўйича Бўлимлар билан инструктив кенгашлар ўтказиш;

вилоят статистика бошқармасининг бўлинмаларидан, туманлар ва шаҳар статистика бўлимларидан белгиланган тартибда бўлим вазифаларини бажариш учун зарур бўлган маълумотларни олиш;

ийғма ахборот-таҳллий маълумотлар, статистик тўпламлар таркиби, тузилиши ва дизайнни бўйича бошқарма бошлиғига таклифлар бериш;

Бўлимга тақдим этилаётган маълумотларнинг ҳаққонийлиги ва ўз вақтида бажарилишини талаб қилиш;

юридик ва жисмоний шахсларнинг Бўлим фаолиятига оид бўлган масалалар бўйича хатлари ва сўровларини кўриб чиқиш ва уларга жавоб тайёрлаш;

давлат статистика ҳисботи шаклларининг тўлиқлигини таъминлаш, уларни йиғиши бўйича чора-тадбирлар ишлаб чиқиш;

Бўлим ваколатига кирувчи ишларни ташкиллаштириш ва бажарилишини назорат қилиш.

### **9. Бўлим:**

ўзига юкланган вазифа ва функцияларнинг зарур даражада ва самарали бажарилиши учун;

Ўзбекистон Республикаси қонунлари, Ўзбекистон Республикаси Олий Мажлиси қарорлари ва бошқа хужжатлари, Ўзбекистон Республикаси Президенти фармонлари, қарорлари ва фармойишлари, Ҳукумат қарорлари, фармойишлари, Давлат статистика қўмитаси раҳбарияти топшириқларининг ўз вақтида ва сифатли бажарилиши, ҳисбот ва ижро интизомини таъминланиши учун;

Бўлимга келиб тушган ва чиқаётган материалларнинг давлат, тижорат сирларига риоя қилиниши ва сақланишини таъминлаш учун жавобгар бўлади.

### **IV. Бўлим фаолиятини ташкил этиш**

10. Бўлим фаолияти Ўзбекистон Республикасининг “Давлат статистикаси тўғрисида”ги Қонуни, ушбу Низом, Давлат статистика қўмитаси буйруқлари ва қарорлари, вилоят статистика бошқармаси буйруқлари шунингдек, Давлат статистика ишлаб чиқариш дастури, вилоят статистика бошқармасининг чора-тадбирлари, Статистика

фаолиятини ташкил этиш ва йиғма ахборот-таҳилилий ишлар бўлумининг йиллик иш режаси, ходимларнинг лавозим вазифалари асосида ташкил этилади;

Бўлум ходимларининг лавозим вазифалари бошлиқнинг биринчи ўринбосари билан келишилади ва бошқарма бошлиғи томонидан тасдиқланади.

11. Бўлумга вилоят статистика бошқармаси бошлиғи томонидан лавозимга тасдиқланадиган ва лавозимдан озод этиладиган бошлиқ раҳбарлик қиласи.

12. Юклатилган вазифалар ва функцияларни амалга ошириш бўйича Бўлум фаолияти самарадорлигининг доимий мониторинги, Давлат статистика ишларини ишлаб чиқариш дастурини ва бошқарма раҳбарию топширикларини электрон хужжат айланиши тизимида ўз вақтида бажарилишини назорат қилиш, шунингдек Бўлум томонидан бажарилган режадаги ва режадан ташқари ишлар тўғрисида ойлик ҳисобот тузиш орқали ташкил этилади.

Бўлум бошлиғи:

Бўлум ходимлари томонидан юклатилган вазифалар, мажбуриятларни зарур даражада бажарилишини таъминлайди, ижро ва меҳнат интизоми ҳолати учун жавоб беради;

Бўлум ишининг самарадорлигини ошириш ва уни кадрлар билан тўлдириш чораларини кўради;

ходимлар томонидан бўлумга келиб тушган ва чиқаётган материалларнинг давлат ва тижорат сирларига риоя қилинишини ва сақланишини таъминлайди.

13. Бўлум бошлиғи қўйидаги хукуқларга эга:

Бўлум ходимлари ўртасида вазифаларни тақсимлаш;

ходимларни бошқа лавозимларга кўрсатиш, ўтказиш ва рағбатлантириш, зарур ҳолларда жазолаш чорасини қўллаш тўғрисида бошқарма бошлиғига таклифлар киритиш;

Бўлум ходимларининг лавозим маошларига шахсий устамалар белгилаш, шунингдек аввалги ўрнатилган устамаларни камайтириш ёки бекор қилиш бўйича бошқарма бошлиғига таклифлар киритиш;

Бўлум ишини ташкил этишни, усули ва услубини яхшилаш, ҳисобот, ижро ва меҳнат интизомини мустаҳкамлаш бўйича чора-тадбирлар ишлаб чиқиш;

Бўлум ваколатига кирадиган масалаларни муҳокама қилишда идоралар, корхона ва ташкилотларда вилоят статистика бошқармаси номидан қатнашиш.